

Sakspapir

Saksnr	Utvalg	Type	Dato
044/23	Formannskapet	PS	02.05.2023

Sakshandsamar	Arkiv	ArkivsakID
Stein Kåre Løvslett	FA-M77	23/498

Høyring - Forskrift om delvis forbod for bruk av fyrverkeri i Austrheim kommune

Vedlegg:

Høyringsutkast - Forskrift om delvis forbod for bruk av fyrverkeri i Austrheim kommune

Framlegg til vedtak:

Formannskapet i Austrheim sender utkastet til forskrift om delvis forbod for bruk av fyrverkeri i Austrheim kommune ut på høyring.

Formannskapet - 044/23 - 02.05.2023

FS - behandling:

Sakshandsamar Stein Kåre Løvslett orienterte om saka, jamfør saksutgreiinga.

Forskrifta skal leggest på høyring i seks veker, rekna frå når den er annonsert i neste utgåve av Strilen.

Inger Lise Brekke (H) sa at ein gjerne kunne heller hatt eit kommunalt offisielt fyrverkeri, og ikkje hatt privat i det heile.

Stein Kåre Løvslett sa at i utgangspunktet er all bruk av pyroteknikk forbode, med unntak av tida mellom 1800 og 0200 mellom 31.12 og 01.01. Meiner at kommunen med bakgrunn i forskrifta kan forby å skyta opp pyroteknisk vare, utifrå at det er farleg.

Ordførar Per Lerøy (Ap) sa at forskrifta bør leggest på høyring, så får ein komma med innspel

Morten Sognnes (H) spurte når forskrifta gjeld, Stein Kåre Løvslett svara at den vil gjelda heile dagen, også nyttårsaftan.

Handsaming i formannskapet:

Kommunedirektøren sitt framlegg vart samrøystes vedteke

FS vedtak:

Formannskapet i Austrheim sender utkastet til forskrift om delvis forbod for bruk av fyrverkeri i Austrheim kommune ut på høyring.

Saksopplysninger:

Bakgrunn

Heimel for lokal forskrift finn vi i lov 14. juni 2002 nr. 20 om vern mot brann, eksplosjon og ulykker med farleg stoff og om brannvesenets redningsoppgåver (brann- og eksplosjonsvernloven) § 43 bokstav e, jf. forskrift 26. juni 2002 nr. 922 om handtering av eksplosjonsfarleg stoff § 2-10A.

Det har over lenger tid vert fleire uheldige hendingar knytt til bruk av fyrverkeri i samanheng med feiringa av nyttår. Uheldig bruk av fyrverkeri under nyttårsfeiringa 21/22 førte mellom anna til at det tok fyr i taket på eit bustadhus der det låg fleire og sov, mellom anna fleire barn. Merksemd frå naboar hindra ei katastrofe.

Vurdering

For å redusere faren for at dette skjer igjen har politikarane i Austerheim på oppfordring frå innbygarane tatt initiativ til ei forskrift som presiserer og klargjer reglane for bruk av fyrverkeri.

I krava i FOR-2002-06-26-922 Forskrift om handtering av eksplosjonsfarlig stoff § 2-10 *Håndtering av pyrotekniske artikler og gjenstander femte ledd:*

«Oppsetting og avfyring av fyrverkeri klasse II, III og IV, illuminasjon med fakler o.l. må ikke finne sted i tettbebyggelse eller nær tørr skog eller andre brannfarlige omgivelser uten tillatelse fra leder av brannvesenet.»

Som det går fram av forskrifta er det forbod mot oppskyting av fyrverkeri i tettbebygging og i nærleiken av tett skog og anna brannfarlege omgjevnadar med mindre brannsjefen har gitt løyve. I praksis fungerer dette forbodet motsett. Brannsjefen kan, når forholda medfører fare for skogbrann, nekte oppskyting av fyrverkeri. For generell bruk av fyrverkeri er det noko vanskelegare. Dette er bakgrunnen for denne lokale forskrifta. Som det går fram av nemnte forskrift er det ikkje lov å sende opp fyrverkeri i tettbebygging utan løyve frå brannsjefen. I utkastet til lokal forskrift vil kommunen presisere kva Austrheim kommune meiner med tettbebygging.

Tettbebygging:

I Statistisk sentralbyrå sin definisjon for tettbebygging heiter det:

"Ei hussamling er eit område med bygningar der avstanden mellom husa normalt ikkje overstig 50 meter. Det er tillatt med eit skjønsmessig avvik utover 50 meter i områder som ikkje kan eller skal bebyggjes. Dette kan for eksempel være parker, idrettsanlegg, industriområder eller naturlige hindringer som elver eller dyrkbare områder. Husklynger som naturlig høyrer med til hussamlinga, tas med inntil en avstand av 400 meter frå kjerna av hussamlinga.

Ei hussamling skal registrerast som ein tettstad dersom det bor minst 200 personer der, og avstanden mellom husene skal normalt ikke overstige 50 meter. Det er tillatt med et skjønsmessig avvik utover 50 meter i områder som ikke kan eller skal bebyggjes. Dette kan for eksempel være parker, idrettsanlegg, industriområder eller naturlige hindringer som elver eller dyrkbare områder. Husklynger som naturlig hører med til tettstedet, tas med inntil en avstand av 400 meter fra tettstedskjernen. De inngår som en satellitt til selve tettstedskjernen."

Austrheim kommune legg til grunn at ei hussamling og tettbebygging kan definerast som ulike namn på same type bebygging. I Forskrift om handtering av eksplosjonsfarleg stoff § 2-10 vert det ikkje sett noko nedre grense for kor mange bygg som inngår i begrepet tettbebygging. I utkastet til lokal

forskrifta legg Austrheim kommune til grunn at det må vere minimum 10 bygningar i hussamlinga/tettbebyggingn før brannfaren vert så høg at det innførast eit forbod mot fyrverkeri.

Opprydding:

Til oppstillingsplass for fyrverkeri er det ofte nytta leikeplassar, vegkryss og offentlege plassar som parkeringsplassar og idrettsplassar. Det er særst viktig at disse plassane vert rydda når oppskytinga er ferdig. Spesielt vegkryss må vere tilgjengeleg for ordinær trafikk. Det er mange som skal heim frå arbeid og på arbeid i morgontimane på 1. nyttårsdag. I tillegg må det vere framkommeleg for utrykningskøyretøy. Dette krev at dei som sender opp fyrverkeri må rydde før dei forlatar staden.

Konklusjon

Kommunedirektøren tilrår at utkastet til forskrift vert sendt ut til høyring. Høyringsutkastet vert sendt til politi og Nordhordland brann og redning. I tillegg vert høyringsutkastet lagt ut på heimesida til kommunen.